

# LA CONTA DOU RA VALTOURNENCHE (ROUJA MEYNET)



## Padze 1

Èn pasèn dézó én-a CLÉNDA, én RA i ch'é iguiéro la PÉ.

## Padze 2

Lo ra i va én tsé lo CORDOGNÉ é lle di :

« Cordogné, pé plizì, réménda-mé la pé qué mé si iguiéro én pasèn dézó la clénda ! ».

« D'acor ! » lle répón lo cordogné « Ma pé posé lo fae, dz'é béjèn dé SÈYE ».

## Padze 3

Lo ra i va én tsé lo GADÉN é lle di :

« Gadén, pé plizì, doa-mé dé sèye pé lo cordogné ! ».

« D'acor ! » lle répón lo gadén « Ma pé posé lo fae, dz'é béjèn dé FAÉNA ».

## Padze 4

Lo ra i va én tsé lo MOLÉNÉ é lle di :

« Moléné, pé plizì, doa-mé dé faéna pé lo gadén ! ».

« D'acor ! » lle répón lo moléné « Ma pé posé lo fae, dz'é béjèn dé BLO ».

## Padze 5

Lo ra i va ou TSAN dé blo é lle di :

« Tsan dé blo, pé plizì, doa-mé dé blo pé lo moléné ! ».

« D'acor ! » lle répón lo tsan dé blo « Ma pé posé lo fae, dz'é béjèn dé FÉMÉ pé fae crétre lo blo ».

## Padze 6

Alor lo ra i va én tsé la VATSE é lle di :

« Vatse, pé plizì, doa-mé dé fémé pé lo tsan dé blo ! ».

« D'acor ! » lle répón la vatse « Ma pé posé lo fae, dz'é béjèn dé FEN ».

## Padze 7

Alor lo ra i va ou PRO é lle di :

« Pro, pé plizì, doa-mé dé fen pé la vatse ! ».

« D'acor ! » lle répón lo pro « Ma pé posé lo fae, dz'é béjèn d'éve pé fae crétre L'ERBA ».

## Padze 8

É lo ra i va ou RU é lle di :

« Ru, pé plizì, doa-mé d'éve pé lo pro ».

## Padze 9

Alor lo RU doe l'ÉVE ou ra qué i la porte ou PRO ;  
é lo PRO lle doe dé FEN que lo ra porte a la VATSE ;  
é la VATSE lle doe dé FÉMÉ que lo ra porte ou TSAN dé blo ;  
é lo TSAN dé blo lle doe dé BLO que lo ra porte ou MOLÉNÉ ;  
é lo MOLÉNÉ lle doe dé FAÉNA que lo ra porte ou GADÉN ;  
é lo GADÉN lle doe dé SÈYE que lo ra porte ou CORDOGNÉ ;  
é lo CORDOGNÉ lle rémènde la PÉ qué i ch'é iguiéro én pasèn dézó la CLÉNDA !